

腋

右碑屬頭

少翁集序

蕭鵠達



方論集腋敘

余家業醫四世矣曾祖迄伯叔兄弟輩攻
苦力學伯祖映廬公著得心集風行遐邇
今滬局石印謝氏醫案是也自府君起家
京曹子弟輩獵取科名此學幾廢余幼聞
先人遺訓未暇兼營晚年告養歸里適馮
星岩中丞林貽書提學創吾贛專門醫校

延余長校務其學以中爲體以西爲用規
模宏備多士雲從方冀醫學昌明稍酬夙
願未幾欵紳中止盛業未竟良引爲憾夫
醫身心性命之學也其道甚微其效甚顯
其用於世須臾不可離古今能醫者或仕
宦或遺逸類皆各抒所見以表章前賢啟
迪後進進爲宗旨雖書之純駁不一而推其

濟世之心則一也三弟清舫淡於仕進自
金闈回里蟄居一室肆力醫科並編列課
程以策諸子近更搜集衆說極深研幾披
覽勤劬殆忘寢食就其心得彙纂成帙名
曰方論集腋余覽其書分上下卷首列傷
寒諸方俾知六經病情所由發次及雜病
彷徐之才陶宏景十二劑每類略言治法

述而不作選擇成篇其書旨之淺深能否
適用於世姑俟質諸世之有識者但余家
世習醫余弟能繼其志使先業留一綫之
傳俾後之起者問途已經力求精進是尤
余之厚望也夫

歲在丙辰冬月阿兄佩賢誌於生春草堂

方論集腋小引

方之有論始於成無已後世吳鶴皋喻嘉言李中梓柯韻伯汪軒菴輩類有發明其間闡發病情曉暢方意惟柯氏爲最金鑑名醫方論中多採取之維時名賢輩出又復綜其簡要刪繁補闕俾古方時方得所折衷匡翼後學厥功滋偉時丁晚近洞垣窺臟之技不多覲耳聞下士粗解方書輒思問世究之疏方莫窺竅要辨證終屬游移毫釐之差謬及千里以生人

者殺人余竊憂之爰採錄傷寒論金匱千金外台及
劉李朱張諸方之佳者分列上下二卷一明六經分
治之根據一立雜病治法之準繩而以諸家方論之
精審者附麗於後錄爲副本藏之家塾旣獲會通之
益且免穿鑿之勞徐靈胎有言古今方劑幾千萬計
安得有學之士擇而存之余不敏竊師其意從事於
斯願以質諸世之精於歧黃者

民國五年丙辰秋南城石禪居士謝佩玉清舫重識

編輯例言

一古今方劑盈千累萬茲篇上卷採傷寒論方捌拾餘首以爲六經治法下卷採金匱千金外台及劉李朱張諸家之方壹百四拾餘首以爲雜病治法去其膚廓擇其深純所謂貴精不貴多也

一方後各論採自醫宗金鑑及柯氏韻伯者實居多數其他議論透闢足以互相發明者亦間採入

一傷寒方下摘錄原論其註釋悉宗金鑑條分縷晰俾讀者一目了然又採金鑑六經病脈證治諸篇冠於方首尤有提綱

挈領之妙至六經主證更當一一熟記故備錄之附於上卷
方末

一雜病諸方仿徐之才十劑陶宏景寒熱二劑分爲十二劑每劑將治療之法麤言大意學者苟引而伸之觸類而長之病無遁形矣

一方論中間有文詞漫衍稍加刪節或採他論羼入其中或附鄙見僭易數語非敢私心自用但求義蘊畢宣

方論集腋上卷目錄

太陽病脈證并治篇上

桂枝湯

五苓散

十棗湯

葛根黃芩黃連湯

桂枝去芍藥加附子湯

瓜蒂散

小陷胸湯

桂枝加附子湯

麻黃杏仁石膏甘草湯

桂枝加人參湯

桂枝去芍藥湯

桂枝加厚朴杏子湯

大陷胸湯

三物白散

太陽病脈證并治篇中

麻黃湯

小建中湯

桂枝甘草湯

桂枝去芍藥

加茯苓
白朮湯

梔子豉湯

梔子生薑豉湯

梔子乾薑湯

桃核承氣湯

芍藥甘草附子湯

炙甘草湯

茯苓桂枝甘草大棗湯

茯苓桂枝白朮甘草湯

梔子甘草豉湯

梔子厚朴湯

梔子蘖皮湯

抵當湯

大黃黃連瀉心湯

附子瀉心湯

甘草瀉心湯

生薑瀉心湯

半夏瀉心湯

赤石脂禹餘糧湯

旋覆代赭石湯

太陽病脈證并治篇下

大青龍湯

桂枝二麻黃一湯

桂枝麻黃各半湯

桂枝二越婢一湯

葛根湯

小青龍湯

乾薑附子湯

茯苓四逆湯

陽明病脈證并治篇

白虎湯

大承氣湯

調胃承氣湯

豬苓湯

茵陳蒿湯

少陽病脈證并治篇

小柴胡湯

柴胡桂枝乾薑湯

白虎加人參湯

小承氣湯

麻七丸

麻黃連轺赤小豆湯

竹葉石膏湯

柴胡桂枝湯

黃芩湯

黃芩加半夏生薑湯

黃連湯

大柴胡湯

太陰病脈證并治篇

理中湯丸

厚朴生薑半夏甘草

人參湯

乾薑黃連黃芩人參湯

桂枝加芍藥湯

桂枝加大黃湯

少陰病脈證并治篇

麻黃附子細辛湯

麻黃附子甘草湯

附子湯

四逆湯

白通湯

真武湯

吳茱萸湯

甘草湯

半夏散湯

厥陰病脈證并治篇

烏梅丸

當歸四逆加吳茱萸湯

生薑

白頭翁湯

當歸四逆湯

白通加豬膽汁湯

通脈四逆湯

黃連阿膠湯

桔梗湯

苦酒湯

方論集腋上卷

辨太陽病脈證并治上篇

金鑑曰太陽主表爲一身之外藩總六經而統榮衛凡外因百病之襲人必先於表表氣壯則衛固榮守邪由何入經曰雖有大風苛毒勿之能害是也若表氣虛則榮衛之氣不能禦外故邪得而乘之經曰虛邪不能獨傷人必因身形之虛而後客之也衛陽也榮陰也風陽邪也寒陰邪也邪之害人各從其類故中風則衛受之傷寒則榮受之衛分受邪則有汗爲虛邪桂枝證也榮分受邪則無汗爲